

ხელშეკრულება
სახელმწიფო შესყიდვის შესახებ N108

ქ. ბათუმი

04 მაისი 2017 წ.

ერთის მხრივ ქ. ბათუმის მუნიციპალიტეტის მერია (შემდგომში – „შემსყიდველი“), წარმოდგენილი ქ. ბათუმის მუნიციპალიტეტის მერის მოადგილის ალექსანდრე მითაიშვილის სახით და მეორეს მხრივ ა(ა)იპ „აჭარის ავტონომიური რესპუბლიკის ჭიდაობის ფედერაცია“ მისი ხელმძღვანელის ანზორ ლაზიშვილის სახით, (შემდგომში – „მიმწოდებელი“) (ელექტრონული ტენდერი - NAT170003751) ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საფუძველზე მიმწოდებელი თანახმაა განახორციელოს ქ. ბათუმში, ბერძნულ-რომაულ ჭიდაობაში მუხრან ვახტანგაძის თასზე საერთაშორისო ტურნირის ორგანიზება (CPV92600000-სპორტული მომსახურებები) შემდგომში – „მომსახურება“, ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით. (მომსახურების ჩამონათვალი მოცემულია დანართში, რომელიც ხელშეკრულების განუყოფელ ნაწილს წარმოადგენს).
- 1.2. მიმწოდებელი ასრულებს, ხოლო შემსყიდველი ღებულობს შესრულებულ მომსახურებას და ახდენს მისი ღირებულების ანაზღაურებას წინამდებარე ხელშეკრულების 2.3 პუნქტის შესაბამისად.
- 1.3. წინამდებარე ხელშეკრულება არეგულირებს ურთიერთობებს, რომელიც წარმოიშობა მხარეთა შორის.

2. მომსახურების ღირებულება და ანგარიშვორების წესი

- 2.1. ხელშეკრულების საერთო ღირებულება შეადგენს 70000,00 (სამოცდაათი ათასი) ლარს.
- 2.2. მომსახურების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.
- 2.3. ანგარიშსწორება მიმწოდებელთან განხორციელდება ფაქტიურად გაწეული მომსახურების მიხედვით, მიღება-ჩაბარების აქტის გაფორმებისა და დღგ-ს ანგარიშ-ფაქტურის წარმოდგენის შემდეგ 10 (ათი) სამუშაო დღის განმავლობაში;
- 2.4. მიმწოდებლის მოთხოვნა ანაზღაურების შესახებ შემსყიდველისადმი შესრულებული უნდა იყოს წერილობითი ფორმით, მომსახურების შესრულების შესახებ შესაბამისი დოკუმენტების დართვით.
- 2.5. მიმწოდებელი ვალდებულია შემსყიდველთან ერთად დააფიქსიროს შესრულებული მომსახურების ღირებულება.

3. ხელშეკრულების ინსპექტირების პირობები

- 3.1. ხელშეკრულების შესრულების შემსყიდველის მხიდან კონტროლს, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ტექნიკურ ზედამხედველობას განახორციელებს ქ. ბათუმის მუნიციპალიტეტის მერის ადმინისტრაციის სპორტისა და ახალგაზრდობის განყოფილების უფროსი ია შალამბერიძე. შემსყიდველს უფლება აქვს ხელშეკრულების

„შემსყიდველი“
(ხელმოწერა)

„მიმწოდებელი“
(ხელმოწერა)



მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიანიჭოს ქ. ბათუმის მერიის სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამისი ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;

3.2. ხელშეკრულების შესრულების შემსყიდველის მხიდან კონტროლის, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმების და ტექნიკური ზედამხედველობის განხორციელების უფლებამოსილების **3.1.** პუნქტის შესაბამისად შესაბამისი ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით გათვალისწინებულ პირობებში მინიჭების შემდეგ ასეთი უფლებამოსილების მინიჭებამდე შესრულებული მომსახურების კონტროლისა და ტექნიკური ზედამხედველობის განხორციელების შედეგები და გაფორმებული მიღება-ჩაბარების აქტები ინარჩუნებს იურიდიულ ძალას.

3.3. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე მათ შორის მომსახურების ხარისხის პერიოდული ინსპექტირება.

3.4. მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.5. მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

4. შესყიდვის ობიექტის მიღება-ჩაბარების წესი

4.1. შემსყიდველმა უნდა შეამოწმოს შესრულებული მომსახურება ხელშეკრულების პირობებთან მიმართებაში.

4.2. თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.

4.3. გამოვლენილი დეფექტის ან ნაკლის აღმოფხვრასთან, ხელახლა ინსპექტირებასთან დაკავშირებულ ხარჯებს, ინსპექტირების შედეგად გამოვლენილი დეფექტის ან ნაკლის ღირებულების ანაზღაურება ეკისრება მიმწოდებელს.

4.4. შესყიდვის ობიექტის მიღება ფორმდება მიღება-ჩაბარების აქტით შემსყიდველისა და მიმწოდებლის უფლებამოსილი წარმომადგენლების ხელმოწერით. მომსახურება ჩაითვლება მიღებულად მიღება-ჩაბარების აქტის გაფორმებისა და ანგარიშ-ფაქტურის წარმოდგენის შემდეგ.

4.5. მომსახურება ჩაითვლება მიღებულად მხოლოდ ფაქტიურად გაწეული მომსახურების შემდეგ.

5. მხარეთა უფლება-მოვალეობანი

5.1. შემსყიდველი და მიმწოდებელი მოქმედებს 'სახელმწიფო შესყიდვების შესახებ' საქართველოს კანონის სრული დაცვით.

5.2. შემსყიდველი ვალდებულია:

„შემსყიდველი“
(ხელმოწერა)

„მიმწოდებელი“
(ხელმოწერა)



ა) მიმწოდებელს წინასწარ გააცნოს ყველა იმ გარემოების შესახებ, რომელიც შეიძლება წარმოიშვას ხელშეკრულებით გათვალისწინებული მომსახურების შესრულებისას.

ბ) მომსახურების შესრულების დამოწმებიდან 10 (ათი) სამუშაო დღის განმავლობაში მოახდინოს მიმწოდებელთან ანგარიშსწორება.

გ) მიმწოდებელს აუნაზღაუროს ამ ხელშეკრულებით გათვალისწინებული პირობებით სახელმწიფო შესყიდვის მომსახურების სრული ღირებულება, მომსახურების დასრულებისთანავე.

5.3. შემსყიდველს უფლება აქვს:

ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

5.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა.

ბ) დააკმაყოფილოს შემსყიდველის მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით.

5.5. მიმწოდებელს უფლება აქვს:

ა) მოსთხოვოს შემსყიდველს მიწოდებული მომსახურების, შუალედური და საბოლოო ანაზღაურება ხელშეკრულებით გათვალისწინებული პირობებით.

6. ხელშეკრულების პირობების შეუსრულებლობა

6.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით;

6.2. შემსყიდველი უფლებამოსილია წინამდებარე პუნქტით გათვალისწინებული პირგასამტეხლო გაუქვითოს მიმწოდებელს სახელშეკრულებო ფასიდან.

7. ხელშეკრულებაში ცვლილებების შეტანა ან შეწყვეტა

7.1. ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

7.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

7.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

7.5. მხარეს შეუძლია უარი თქვას ვალდებულების შესრულებაზე, თუ მეორე მხარე აშკარად არღვევს წინამდებარე ხელშეკრულებით განსაზღვრულ მოთხოვნას.

7.6. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა

7.7. წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.

„შემსყიდველი“
(ხელმოწერა)

„მიმწოდებელი“
(ხელმოწერა)



7.8. ხელშეკრულება შეიძლება შეწყდეს აგრეთვე საქართველოს სამოქალაქო კოდექსით გათვალისწინებული სხვა შემთხვევებში.

7.9. ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის თაობაზე მეორე მხარეს უნდა ეცნობოს დაუყოვნებლივ.

8. მომსახურების გაწევისა და ხელშეკრულების მოქმედების ვადები

8.1. მომსახურება უნდა განხორციელდეს 2017 წლის 10 მაისიდან 2017 წლის 16 მაისის ჩათვლით პერიოდში.

8.2. ხელშეკრულების მოქმედების ვადაა 2017 წლის 1 აგვისტომდე პერიოდი.

9. ფორს-მაჟორული სიტუაციები

9.1. მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

9.2. ხელშეკრულების შესრულების ვადა გადაიწევეს შესაბამისი დროით, ფორს-მაჟორული გარემოებათა დასრულების შემდეგ.

9.3. მხარეს, რომელსაც შეექმნა ფორს-მაჟორული გარემოება, დაუყოვნებლივ უნდა აცნობოს წერილობით ამის შესახებ მეორე მხარეს. ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

10. დავები და მათი გადაწყვეტის წესი

10.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.


10.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს შეუძლია დადგენილი წესით მიმართოს სასამართლოს, თუ ხელშეკრულების პირობებში სხვა რამ არ არის გათვალისწინებული.

11. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე.

12. შეტყობინება

12.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.



12.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღე-ბიდან რომელი უფრო გვიანდგება.

13. სხვა პირობები

13.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13.2. ხელშეკრულება ძალაში შედის, მხარეთა მიერ მისი ხელმოწერის მომენტიდან.

13.3. ხელშეკრულება იდება ორი ერთნაირი იურიდიული ძალის მქონე ეგზემპლარად, თითო ეგზემპლარი ინახება ხელშეკრულების დამდებ მხარეებთან.

მხარეთა რეკვიზიტები და ხელმოწერები

„შემსყიდველი“

ქ. ბათუმის მუნიციპალიტეტის მერია
მის.: ქ. ბათუმი, ლუკა ასათიანის ქ. №25
ს/კ 245576826;
ბანკის დასახელება-სახელმწიფო ხაზინა
ბ/კ: TRESGE22
ანგ. №GE24NB0330100200165022
ქ. ბათუმის მუნიციპალიტეტის მერის
მოადგილე ალექსანდრე მითაიშვილი

„მიმწოდებელი“

ა(ა)იპ „აჭარის ავტონომიური
რესპუბლიკის ბილიარდის
ფედერაცია“
ს/კ: 245533409
მის: ქ. ბათუმი, ფიროსმანის 14
ს.ს „ვითიბი ბანკი ჯორჯია“
ბ/კ: UGEBGE22
ანგარიშის ნომერი
ანგ. NGE14VT5500000001603608
ტელ: 599012510
ხელმძღვანელი: ანზორ ლაზიშვილი



ტექნიკური პირობები

მიმწოდებელმა უნდა უზრუნველყოს:

1. მუხრან ვახტანგაძის სახელობის საერთაშორისო ტურნირის ორგანიზება ბერძნულ-რომაულ ჭიდაობაში, საქართველოსა და უცხოელი სპორტსმენების მონაწილეობით 50 კგ, 55 კგ, 60 კგ, 66 კგ, 74 კგ, 84 კგ, 96 კგ, 120 კგ წონით კატეგორიებში, ± 2 კგ. დაშვებით. სპორტის ამ სახეობისათვის განკუთვნილი სპეციალური ინვენტარით მოწყობილ დარბაზში, რომელიც დააკმაყოფილებს საერთაშორისო ტურნირის მოთხოვნებს;

2. მიმწოდებელმა ბერძნულ-რომაულ ჭიდაობაში საერთაშორისო ტურნირის ორგანიზება უნდა უზრუნველყოს მსოფლიოს გაერთიანებული ჭიდაობის ფედერაციის (UWW) ოფიციალურ ვებგვერდზე www.unitedworldwrestling.org/events განთავსებული დებულებით და პროგრამით (ქ. ბათუმის მუნიციპალიტეტის მერის ადმინისტრაციის სპორტისა და ახალგაზრდობის განყოფილებასთან შეთანხმებით);

3. ტურნირში მონაწილეთა დროული ინფორმირება და მოწვევა;

4. ტურნირის პოპულარიზაციის მხარდამჭერი ღონისძიებების მოწყობა (მოსაწვევების, სარეკლამო ბანერების, აფიშების დამზადება, განთავსება);

5. UWW-ს დელეგატის (ერთი კაცი) მგზავრობა (ვარნა - სტამბოლი - ბათუმი - სტამბოლი - ვარნა);

6. UWW-ს დელეგატის მომსახურების ანაზღაურება 4 დღის განმავლობაში (ერთი კაცი);

7. UWW-ს დელეგატის სასტუმროთი უზრუნველყოფა უმაღლესი კლასის საერთაშორისო ქსელის სასტუმროში, სამჯერადი კვებით, 4 დღის განმავლობაში;

8. UWW-ს დელეგატისა (კაცი 1) და მოწვეული საპატიო სტუმრისათვის (კაცი 2) ფასიანი საჩუქრების (ქართველი მხატვრების მიერ შესრულებული ნახატი ან ეროვნული ფასეულობის მატარებელი სუვენირი) გადაცემა;

9. UWW-ს დელეგატისა და მოწვეული საპატიო სტუმრებისათვის პირველი დღის ვახშამის ორგანიზების უზრუნველყოფა (კაცი 20);

10. მოწვეული საპატიო სტუმრებისათვის (კაცი 8) სადგამიანი დიპლომების გადაცემა (დიპლომი უნდა იყოს ზომით არანაკლებ 15X20 სმ. მეტალზე ამოტვიფრული ნომინანტის მონაცემებით და ხავერდის გარეკანით);

11. მოწვეული სტუმრებისა და სპორტსმენების შიდა ტრანსპორტირებით (მაღალი კლასის მიკროავტობუსი არაუმცირეს 20 ადგილიანი) უზრუნველყოფა სამი დღის განმავლობაში (აეროპორტში დახვედრა, გაცილება და ქალაქის ტერიტორიაზე ტრანსპორტირება);

12. მოწვეული სპორტსმენების (უცხოელი და ადგილობრივი) მწვრთნელების, მსაჯების, ტექნიკური პერსონალის, მოწვეული საპატიო სტუმრების მაღალი კლასის სასტუმროთი და სამჯერადი კვებით უზრუნველყოფა (3 დღე, 130 კაცი);

13. მოწვეული მსაჯის მგზავრობის უზრუნველყოფა (უკრაინა-ბათუმი-უკრაინა, ერთი კაცი);

14. მსაჯების მომსახურების ჰონორარი (10 კაცი, 3 დღე);

15. უცხოეთიდან მოწვეულ მსაჯთა ჰონორარი (3 კაცი, 3 დღე);

16. შეჯიბრის მთავარი მსაჯის ჰონორარი (1 კაცი, 3 დღე);

17. ტექნიკური პერსონალის ჰონორარი (15 კაცი, 3 დღე);

18. მედ. პერსონალის ჰონორარი (1 კაცი, 3 დღე);

19. ვიდეო ტექნიკისა და ტაბლოს მომსახურე პერსონალის ჰონორარი (1 კაცი, 2 დღე);

20. ღონისძიების წამყვანის ჰონორარი (1 კაცი, 2 დღე);

21. ღონისძიების საზეიმო გახსნის წამყვანის ჰონორარი (1 კაცი, 1 დღე);

„შემსყიდველი“
(ხელმოწერა)



22. ტურნირის დებულებით გათვალისწინებული ტექნიკური მახასიათებლების მქონე დარბაზის იჯარა 2 დღე (სპორტულ დარბაზში უნდა განთავსდეს „UWW“-ს მიერ სანქცირებული ორი საჭიდაო ხალიჩა, ზომით (12X12));

23. დარბაზის დეკორაციის ხარჯები, VIP კუთხის მოწყობა ბანერებით, ფანრებითა და ყვავილებით;

24. საინფორმაციო აფიშების (ოთხ ფერში, A2 ფორმატი) დამზადება და განთავსება (100 ცალი);

25. სარეკლამო ბანერის დამზადება (სოლვენტური ფართო ფორმატიანი ბეჭდვით შესრულებული, ოთხ ფერში, 75 კვ.მ- 1 ცალი, ხის კარკასით);

26. მოსაწვევების (შესრულებული ოთხ ფერში, სადაც გაწერილი იქნება ღონისძიების პროგრამული განრიგი) დამზადება-გავრცელება (ცალი 100);

27. 150 ცალი ბეიჯის (ბეიჯი ზონრით 85X53 მმ, ID ან მაგნიტური ბარათების ჩასადებით) დამზადება;

28. კენჭისყრის ნუმერაციის დამზადება, ქ. ბათუმის მუნიციპალიტეტის მერიის სიმბოლიკის გამოსახულებით (130 ცალი);

29. მაისურების დამზადება - 80 ცალი (მაღალი ხარისხის, ინდივიდუალური შეფუთვით, მაისურის წინა მხარეს გამოსახული უნდა იყოს თვითმმართველი ქალაქის - ქ. ბათუმის მუნიციპალიტეტის მერიის სიმბოლიკა, მაისურის უკანა მხარეს ღონისძიების სახელწოდება - „მუხრან ვახტანგაძის საერთაშორისო ტურნირი ბერძნულ-რომაულ ჭიდაობაში“);

30. ტექ. პერსონალის ფორმების დამზადება (20 კაცი);

31. ტურნირის გახსნის საზეიმო ცერემონიალის გამართვა, შეჯიბრების მუსიკალური გაფორმება;

32. ბანკეტის ორგანიზება 120 კაცზე;

33. გამარჯვებული სპორტსმენების დაჯილდოვება ფასიანი საჩუქრებით (ეროვნული ფასეულობის მატარებელი სუვენირი, ცალი 8);

34. მერიის სპეციალური პრიზი (თასი) საუკეთესო ტექნიკურ მოჭიდავეს, წარწერით „საუკეთესო ტექნიკური მოჭიდავე“ (ცალი ერთი);

35. მედალი 33 ცალი (მედალი დამზადებული უნდა იყოს მეტალის მასალით, რომელიც მოთავსებული იქნება ჩასადებ ყუთში) და დიპლომი 35 ცალი (დიპლომი ლამინირებული ან ჭავლური მეთოდით შესრულებული) გამარჯვებულებისა და პრიზიორებისათვის;

36. თასი I ადგილზე გასული სპორტსმენისათვის (ცალი 8), მასალა მეტალი, გრანიტის ძირით, ზომა არაუმცირეს 50 სმ; თასი II ადგილზე გასული სპორტსმენისათვის (ცალი 8), მასალა მეტალი, გრანიტის ძირით, ზომა არაუმცირეს 45 სმ; თასი III ადგილზე გასული სპორტსმენისათვის (ცალი 16). მასალა მეტალი, გრანიტის ძირით, ზომა არაუმცირეს 38 სმ;

37. მუხრან ვახტანგაძის სახელობის თასი 84 კგ. წონით კატეგორიაში (თასი დამზადებული უნდა იყოს მეტალის მასალით, მარმარილოს ძირზე, არაუმცირეს 50 სმ);

38. მუხრან ვახტანგაძის 1000 (ერთი ათასი) ლარიანი სასაჩუქრე ბარათი (ქ. ბათუმში არსებული სპორტული მაღაზიის ვაუჩერი).

პროგრამის ადმინისტრირება უნდა განხორციელდეს შემსყიდველი ორგანიზაციის შესაბამის სამსახურთან ერთად. აუცილებელია ტექნიკური პირობების ყველა მოთხოვნის შეთანხმება შემსყიდველ ორგანიზაციასთან.

„შემსყიდველი“
(ხელმოწერა)

„მიმწოდებელი“
(ხელმოწერა)

ფასების ცხრილი

N	მომსახურების დასახელება	განზომილების ერთეული, რაოდენობა		ერთეულის ფასი (ლარი)	საერთო ფასი (ლარი)
1	UWW-ს დელეგატის (ერთი კაცი) მგზავრობა (ვარნა - სტამბოლი - ბათუმი - სტამბოლი - ვარნა)	კაცი	1	1900	1900
2	UWW-ს დელეგატის მომსახურების ანაზღაურება (4 დღე)	კაცი	1	2100	2100
3	UWW-ს დელეგატის სასტუმროთი უზრუნველყოფა (4 დღე)	კაცი	1	1600	1600
4	UWW-ს დელეგატისა და მოწვეული საპატიო სტუმრისათვის ფასიანი საჩუქრების (ქართველი მხატვრების მიერ შესრულებული ნახატი ან ეროვნული ფასეულობის მატარებელი სუვენირი) გადაცემა	კაცი	3	300	900
5	UWW-ს დელეგატისა და მოწვეული საპატიო სტუმრებისათვის პირველი დღის ვახშამის ორგანიზების უზრუნველყოფა	კაცი	20	50	1000
6	მოწვეული საპატიო სტუმრებისათვის სადგამიანი დიპლომების გადაცემა	ცალი	8	50	400
7	მოწვეული სტუმრებისა და სპორტსმენების აეროპორტში დახვედრა, გაცილება და ქალაქის ტერიტორიაზე ტრანსპორტირება	დღე	3	400	1200
8	მოწვეული სპორტსმენების (უცხოელი და ადგილობრივი) მწვრთნელების, მსაჯების, ტექნიკური პერსონალის, მოწვეული საპატიო სტუმრების მაღალი კლასის სასტუმროთი და სამკერადი კვებით უზრუნველყოფა (3 დღე)	კაცი	130	255	33150
9	მოწვეული მსაჯის მგზავრობის უზრუნველყოფა (უკრაინა-ბათუმი-უკრაინა)	კაცი	1	680	680
10	მსაჯების მომსახურების ჰონორარი (3 დღე)	კაცი	10	210	2100
11	უცხოეთიდან მოწვეულ მსაჯთა ჰონორარი (3 დღე)	კაცი	3	375	1125
12	შეჯიბრის მთავარი მსაჯის ჰონორარი (3 დღე)	კაცი	1	360	360
13	ტექნიკური პერსონალის ჰონორარი (3 დღე)	კაცი	15	90	1350
14	მედ. პერსონალის ჰონორარი (3 დღე)	კაცი	1	75	75
15	ვიდეო ტექნიკისა და ტაბლოს მომსახურე პერსონალის ჰონორარი (2 დღე)	კაცი	1	1200	1200
16	ღონისძიების წამყვანის ჰონორარი (2 დღე)	კაცი	1	300	300
17	ღონისძიების საზეიმო გახსნის წამყვანის ჰონორარი (1 დღე)	კაცი	1	140	140

შემსყიდველი
(ხელმოწერა)

„მინისტრის“
(ხელმოწერა)

18	ტურნირის დებულებით გათვალისწინებული ტექნიკური მახასიათებლების მქონე დარბაზის იჯარა	დღე	2	850	1700
19	დარბაზის დეკორაციის ხარჯები, VIP კუთხის მოწყობა ბანერებით, ფანრებითა და ყვავილებით	ცალი	1	400	400
20	საინფორმაციო აფიშების დამზადება და განთავსება	ცალი	100	5	500
21	სარეკლამო ბანერის დამზადება	ცალი	1	1500	1500
22	მოსაწვევების დამზადება-გავრცელება	ცალი	100	2	200
23	ბეიჯების დამზადება	ცალი	150	3	450
24	კენჭისყრის ნუმერაციის დამზადება, ქ. ბათუმის მუნიციპალიტეტის მერიის სიმბოლიკის გამოსახულებით	ცალი	130	4	520
25	მაისურების დამზადება	ცალი	80	20	1600
26	ტექ. პერსონალის ფორმების დამზადება	კაცი	20	30	600
27	ტურნირის გახსნის საზეიმო ცერემონიალის გამართვა, შეჯიბრების მუსიკალური გაფორმება	ცალი	1	860	860
28	ბანკეტის ორგანიზება	კაცი	120	50	6000
29	გამარჯვებული სპორტსმენების დაჯილდოვება ფასიანი საჩუქრებით (ეროვნული ფასეულობის მატარებელი სუვენირი)	ცალი	8	120	960
30	მერიის სპეციალური პრიზი (თასი) საუკეთესო ტექნიკურ მოჭიდავეს, წარწერით „საუკეთესო ტექნიკური მოჭიდავე“	ცალი	1	140	140
31	მედელების დამზადება-გადაცემა	ცალი	33	50	1650
32	დიპლომების დამზადება-გადაცემა	ცალი	35	10	350
33	თასი I ადგილზე გასული სპორტსმენისათვის	ცალი	8	70	560
34	თასი II ადგილზე გასული სპორტსმენისათვის	ცალი	8	60	480
35	თასი III ადგილზე გასული სპორტსმენისათვის	ცალი	16	50	800
36	მუხრან ვახტანგაძის სახელობის თასი 84 კგ. წონით კატეგორიაში	ცალი	1	150	150
37	მუხრან ვახტანგაძის 1000 ლარიანი სასაჩუქრე ბარათი	ცალი	1	1000	1000
სულ ჯამი					70000,00

შემსყიდველი
(ხელმოწერა)

მიმწოდებელი
(ხელმოწერა)

საზეიმო ბანკეტის მენიუ (ერთ პერსონაზე)

N	დასახელება	რაოდენობა	შენიშვნა
1	ყველის ასორტი	50 გრ	
2	ბადრიჯანი	40 გრ	
3	კიტრი და პომიდორი	50 გრ	
4	ზეთისხილი	30 გრ	
5	ბლინი (ხორციტ)	50 გრ	
6	წიწილა	100 გრ	
7	ჩაშუშული	40 გრ	
8	კუჭმაჭი (ხბოს)	40 გრ	
9	გოჭის ხორცი	100 გრ	
10	სალათა (ქათმის)	50 გრ	
11	სოკო	40 გრ	
12	პური	150 გრ	
13	საწებელი	30 გრ	
14	ბაჟე	40 გრ	
15	თევზი	50 გრ	
16	ოჯახური	100 გრ	
17	მწვადი (ღორის)	50 გრ	
18	მწვადი (ხბოს)	50 გრ	
19	ოსტრი	100 გრ	
20	ელარჯი	200 გრ	
21	ქაბაბი	50 გრ	
22	მჭადი	50 გრ	
23	მწვანილი	40 გრ	
24	ხაჭაპური	100 გრ	
25	ხილის ასორტი	150 გრ	
26	ნამცხვრის ასორტი	100 გრ	
27	მინერალური და გამაგრილებელი სასმელები	0,5 ლიტრი	
28	ნატურალური წვენი	200 გრ	
29	ყავა	100 გრ	
30	ღვინო	700 გრ	
31	არაყი	150 გრ	
32	შოკოლადის ასორტი	100 გრ	

„შემსყიდველი“
(ხელმოწერა)

„მინოდებელი“
(ხელმოწერა)